

台州金石錄

五

台州金石錄卷十二目錄

元一 僊居縣銅印

忠應廟碑

褚仕憑魚巖詩摩厓

玉液池三字摩崖

至大銅權識

應氏墓門題字

重建東安隱院記

延祐銅權識

積菴記

延祐銅權識

至治銅權識

蝦阬詩摩崖

未搨

瑞相寺銅鈸款

常寂淨土塔院記

玄真道院記

源遠橋題字

龍潭岡道士柯天樂呪龍摩崖

重建靈溥廟記

定光觀嶽祠舍田記殘石

禿堅董阿等造像題名

崇教寺經幢

未搨

張齊鶴墓誌銘

未錄

至正銅權識

重建天妃廟碑

文獻世家坊題字

開石鎮石橋題字

台州金石錄卷十二

臨海王黃瑞子珍編輯

黃巖王棨校正

元仙居縣銅印

印方徑二寸直鈕印文蒙古篆不可識背鐫仙居縣印四字左方鐫至元八字

並正書今藏郡城宋氏

仙居縣印

至元十三年十月造

案銅印道光間吾邑宋聽石孝廉

真購於仙居今

藏於家以紀元彙考證之元世祖至元十三年即

宋德祐二年

案五月以後為端宗景炎元年

是年正月十八日淮

安王伯顏以中書右相統兵入杭宋謝全兩后以

下皆赴北尋以偏師徇台

見陶宗儀輟耕錄

是時台已爲

元有其置官頒印年月史志無明文得此可補其

闕

元忠應廟碑

碑高大尺四寸七分廣三尺六寸七分額篆書忠應廟碑四字橫列徑八寸二分文

三十一行行三十八字歌詩低二格行三十六字在黃巖縣西柔極太尉殿

忠應廟碑

世有挺特不羣之才其生也患不及用其用也患不及盡生而不用用而不盡人皆曰制於天也然有穹官峻職天偶不用之於生前而特用於身後若顏卜之脩文郭嘉之中郎與夫蔣子文之王鐘山柳子厚之侯羅池蓋無得於此則有得於彼不伸於顯則當伸於幽天於

挺特不羣之才固不忍使之虛出而虛逝也維黃氏自
尚書府君由閩徙台始家黃巖之柔山垂二百年蓄
而未發是生我 曾從大父顯靈侯諱希旦字仲魯侯
有神力視扛鼎扼虎殆不足為戲擇鉅竹一握即碎重
屋脩棟可挾而動也為兒時誦書家塾晝覩緋紫數人
捧文書若告身者示之曰 帝命若主此土言已忽不
見甫弱冠而卒方議卜窆巫言當有大風拔木處即吉
地也里中唯今置廟處木適拔輒至即軸折遂以葬焉
於是靈響暴著遠近彙集迺即墓立廟宋寶慶間賜額
忠應寶祐間賜諡顯靈超然惟漢閼張唐褒鄂皆以驍
勇雄武號萬人敵閼張雖功名不終然猶焜耀史冊而

襄公鄂公遂圖形凌煙稱唐虓將竊聞侯之才與故老
所傳平生行事蓋軼出闕張褒鄂之上使得時遇主萬
戶侯何足道不幸蚤卒不少槩見既生不得為名臣死
遂為明神風馬雲車翕忽有無民水旱必禱疾病痛楚
必請谷荅響鼓應桴殆百有餘年而如一日嗚呼天不
用侯於生前而用侯於身後豈不以長才壯志暴白於
一時者有限豐功盛烈福應於千祀者無窮向使侯生
而及用用而復盡則亦已矣安得英氣凜凜沒而愈彊
使一方永賴到今哉廟嘗再新今丹雘已暗碑猶未植
使侯之英風駿績與前朝褒錫之盛泯泯弗彰無以揭
當代而昭無極豈非缺歟超然少有此意自揆蕪拙不

足以稱豐碑。慙不敢為。猶俟筆力少進。心口相謀。謂為之未晚。今年益衰。筆益退。不敢冀復進。若自醜其文。則碑終缺矣。迺卒為之。深恨不能發揚萬一。則又為歌詩以薦祀。其辭曰。

山巖巖兮溪湯湯。篤生異人氣。開張壽骨。神駿如龍。驤謂宜勒勳紀。太常忽乘白雲。朝圓蒼天。官有勅鎮。此方前朝。錫命恩煌煌。靈旗駟馬。侯來翔。吏士整肅。不可當。約束魑魅虎豹。藏我民無癘。歲有穰福。及孫子祈壽昌。簫鼓嘲轟進侯堂。割牲醺酒。弗敢忘。山可礪兮水可量。侯祀千載。德彌光。

元貞乙未二月既望曾姪孫黃超然立石

案右記並見謝文肅赤城後集台州府志黃太尉
廟在黃巖縣西柔極祀里人黃希旦宋慶元閒賜
額忠應據碑賜額在寶慶閒志文誤也尙書名懋
謚忠肅侯十世祖侯生於南宋紹興二十六年丙
子甫弱冠卒卽墓立廟甚著靈異漳熙丁未大旱
郡人徧走羣望不應郡伯章公冲率僚吏入廟薦
牲未終卽致甘霽上其事於朝寶慶閒賜額忠應
寶祐閒賜號顯靈明永樂十九年辛丑應見救災
加封顯順王 國朝乾隆庚戌四月復有大旱應
禱之靈見其裔孫 河清 樸學堂文鈔赤城新志黃
超然字立道號壽雲黃巖人與車玉峰往來金華

王魯齋之門得理學之傳尤精於易卒諡康敏著

西清文集十卷

元褚仕憑魚巖詩摩厓

刻高八尺廣一丈詩五行行四字正書徑一尺在臨海西北鄉

中渡大善灘側

峴首想幽

貞桐江儼

寒碧吾心

吾自知魚

鳥那能識

大元元貞二年四月桐柏山人褚仕記

案崖石彫剝年月款識已失所在茲據台州述聞

台錄十二
補錄於右檢僊居褚氏譜有仕憑魚巖詩并序其
略曰歲在涓灘清和之望與客飛槩赴郡南抵惡
谿訪右軍遺蹟顧而樂之因疏泉鑿石闢地以爲
廬日與里人歎詠其閒并鐫詩峭壁以誌焉仕字
用卿號錦堂天台人以鄉進士授剡州通判今僊
居褚氏皆其後也

元玉液池三字摩崖

刻高二尺廣八寸玉液池三字徑五寸款秋泉二字徑二寸並草書

在府城大固山入僊巖歡心閣後石池之壁今已刻損

玉液池

秋泉

案右三字經後人刻損刻鑑池二字於上名蹟就

湮人鮮知者茲揭乃李氏

用儀

舊藏因藉著錄攷

秋泉乃元初天都太乙崇福宮張真人

惟一

別號

本太平戴氏子工書善吟兼能蘭石與趙松雪揭
曼碩為文字交四明袁桷以天台老僊伯呼之殆

即其人

元銅權識

權重八兩高四寸二分弱橫徑二寸強面篆
古文三字隱起兩旁正書四字陰文背文紀

年四字正書隱起兩旁紀數五字正
書陰文並徑五分在臨海大石葉氏

和二

夫字

至大元年

背文

三

口

八十号

案權今藏葉鶴颺

書

家蓋其祖梅谿處士

舟

購得

之予所見諸權及兩浙金石志所載皆無國書惟
此權有之銅質良美製法精工可寶也

元應氏墓門題字

刻高一尺四寸廣四尺平列七字字
經四寸紀年一行字徑八分重脩紀

年一行字徑七分並正書
在僊居縣北城內應園

宋副使應公墓門

皇慶癸丑十月吉立

正德辛巳正月吉重脩

案僊居應氏見於赤城志科名者凡六人與此結
銜皆不合副使何名莫能詳也皇慶爲元仁宗第
一紀元盡二年次年卽改延祐矣

元重建東安隱院記

碑高一丈零五寸廣四尺十八行
行四十八字行楷書經一寸五分

額篆書天台山東安隱院建重興之記十
二字分六行直徑四寸在天台縣本寺中

天台縣東去二舍山名隱嶼寺曰安隱溪山秀整境接

寧川香山送青芝巖茁玉仙人昔遊尚遺靈跡古老相
傳建於漢末會昌之廢殿廬識載已爲雲散夢掃趙宋
太平興國間鄉人葉成鄴捨明公莊田肆伯碩爲檀越
請國清教寺處約法師圖振厥口及約來相攸蓬藿塞
路蛇虎穴處唯荒基焉約與鄴喟然而作曰建幢樹刹
當自艱難勤苦乃有成於是不下山縛茅爲廬開闢舊
址晝鏹夜畚羹藜糗粳畢世不懈息一新土木皆約倡
也歲月滋久其徒浸繁甲乙主持至二十傳寂翁普照

守成規·恢舊觀·歸附初·融風扇·熾寺爲一空·是照興寺之貞榦者·景茂準·直市材·追配前烈·不數年·大殿法堂兩廡·柱踵舊礎·創構於煨燼之餘·肖靈山一會·範千鈞巨鏞·將克完美·奈成虧有時·數年後·寺規幾殆·一日聚族而議·曰·隣封大智主·圓明妙慧大師·宗肇·剡人也·警拔清惠·年事且壯·流通修造·皆有程法·國清宗主·佛心慈惠·大師處仁·本縣都綱·寂照圓悟·大師定吉祥·力贊成之·仍於甲乙·請大德癸卯寺之耆宿·道彌·景茂·大應·物表·伸請·臆至于三·乃得毅然而來·革弊·創新·開堂·修造·越二年·創·新·三·解脫門·壯麗與佛殿稱·以雪鄉來顛危之羞·大德丁未·台·越旱赤·港斷潢·絕八閩·月老弱轉

溝壑相藉也。此山請蠡於楊巖，龍湫六月三雨，乃有秋。明年蝗蝻爲菑，不至境，鼓鐘不泯，響水雲憧憧然，抑冥數也。吁！慎厥始，和厥中，成厥終，厥惟難哉！微約與鄴，不能振久墜之緒，以謹始微，照與茂，不能守成，克和厥中，微肇不能懋勉，承厥終，營構輪藏，鍾閣普門，懺室齋堂，庖漏倫敘，何由濟復？皇慶改元，夏孟眎篆天台，越明年主僧以寺之本末，請記於予。予隱槩以文之，乃系以辭曰：

佛陀西現，大教東漸，垂千百年，塔廟是嚴。
隨其願輪，有室有信，室信伊何，存乎其人。
法華僧約，爰諏爰度，勞苦厥躬，建於興國。